

前漢書卷二十七下之下

漢

蘭

臺

令

史班固撰

唐正議大夫行祕書少監琅邪縣開國子顏師古注

五行志第七下之下

隱公三年二月己巳日有食之穀梁傳曰言日不言朔食晦公羊傳曰食二日董仲

舒劉向以為其後戎執天子之使

師古曰凡伯周大夫也隱七年天王使凡伯來聘戎伐凡伯于楚丘以歸鄭獲魯隱古

日公羊傳隱六年春鄭人來渝平渝平墮成也

曰吾成敗矣滅戴師古曰十年秋宋吾與鄭人未有成狐壤之戰隱公獲焉何以不言戰諱獲也

鄭伯伐取之戴國今外黃縣東南戴城是也讀者多誤為載故隋室置戴州焉

師古曰四年衛州吁殺其君完十一年羽父使賊殺公于

督弑其君與夷

左氏劉歆以為正月二日燕越之分野也凡日所躔而有變則分

野之國失政者受之

師古曰躔人君能修政共御厥罰則災消而福至師古曰共讀

禦又讀如本字

不能則災息而禍生

師古曰息謂蕃滋也故經書災而不記其故蓋吉凶亡常隨行而

成禍福也周衰天子不班朔

師古曰班布也魯歷不正置閏不得其月月大小不得其度史

記日食或言朔而實非朔或不言朔而實朔或脫不書朔與日皆官失之也京房易

傳曰亡師茲謂不御厥異日食其食也既竝食不一處誅衆失理茲謂生叛厥食既

光散縱畔茲謂不明厥食先大雨三日雨除而寒寒即食專祿不封茲謂不安厥食

乾隆四年校刊

前漢書卷二十七下之下

五行志

一

既先日出而黑光反外燭韋昭曰中無光四邊有明外燭君臣不通茲謂亡厥蝕三既同姓上侵茲

謂誣君厥食四方有雲中央無雲其日大寒公欲弱主位茲謂不知厥食中白青四

方赤己食地震諸侯相侵茲謂不承厥食三毀三復君疾善下謀上茲謂亂厥食既

先雨雹殺走獸弑君獲位茲謂逆厥食既先風雨折木日赤內臣外鄉茲謂背師古曰鄉

讀曰嚮厥食食且雨地中鳴韋昭曰地中有聲如鳴耳或曰如狗子聲冢宰專政茲謂因厥食先大風食時

日居雲中四方亡雲伯正越職茲謂分威師古曰伯讀曰霸厥食日中分諸侯爭美

於上茲謂泰厥食日傷月食半天營而鳴韋昭曰食半謂食望也臣瓚曰月食半賦謂食月之半也月食常以望不為異也

不得茲謂竭厥食星隨而下受命之臣專征云試厥食雖侵光猶明師古曰試用也自擅意也一說

試與弑同謂欲弑君若文王臣獨誅紂矣韋昭曰是時紂臣尚未欲誅紂獨文王之臣欲誅之小人順受命者征其君云

殺厥食五色至大寒隕霜師古曰殺亦讀曰弑若紂臣順武王而誅紂矣韋昭曰紂惡益甚其臣欲順武王而誅紂

諸侯更制茲謂叛師古曰更改也厥食三復三食食己而風地動適讓庶茲謂生欲師古曰適讀曰

嫡厥食日失位光晦晦月形見師古曰晦音烏感反見音胡電反酒亡節茲謂荒厥蝕乍青乍黑乍

赤明日大雨發霧而寒凡食二十占其形二十有四改之輒除不改三年三年不改

六年六年不改九年推隱三年之食貫中央上下竟而黑臣弑從中成之形也後衛

州吁弑君而立桓公三年七月壬辰朔日有食之既董仲舒劉向以為前事已大後

事將至者又大則既先是魯宋弑君魯又成宋亂易許田亡事天子之心楚僭稱王

後鄭拒王師射桓王師古曰竝已解于上又二君相篡師古曰謂厲公奔蔡而昭公入高渠彌殺昭公而立子亶劉歆以為

六月趙與晉分晉灼曰周之六月今之四月始去畢而入參參晉分也畢趙也凡行去趙遠入晉分多故曰與計二十八宿分其次度其月及所屬下皆

以為先是晉曲沃伯再弑晉侯師古曰曲沃伯本桓叔成師之封號也其後遂繼襲焉魯惠公三十年大夫潘父殺昭侯而納成師不克

晉人立孝侯惠之四十五年成師師古曰曲沃伯伐翼殺孝侯也是歲晉大亂師古曰桓三年莊伯之子曲沃武公伐翼逐翼侯于汾隰夜獲而殺之

滅其宗國師古曰桓八年曲沃武公滅翼遂并其國京房易傳以為桓三年日食貫中央上下竟而黃臣

弑而不卒之形也後楚嚴稱王兼地千里師古曰楚武王荆尸久已見傳今此言莊始稱王未詳其說十七年十

月朔日有食之穀梁傳曰言朔不言日食二日也劉向以為是時衛侯朔有罪出奔

齊師古曰朔衛惠公也桓十六年經書衛侯朔出奔齊公羊傳曰得罪乎天子穀梁傳曰天子召而不往也天子更立衛君師古曰衛朔公子黔牟朔

藉助五國舉兵伐之而自立王命遂壞師古曰莊五年冬公會齊人宋人陳人蔡人伐衛莊六年春王人子突救衛夏衛侯朔入

放公子黔牟于周是也魯夫人淫失於齊卒殺威公師古曰失讀曰佚董仲舒以為言朔不言日惡魯

桓且有夫人之禍將不終日也劉歆以為楚鄭分嚴公十八年三月日有食之穀梁

傳曰不言日不言朔夜食張晏曰日夜食則無景立六尺木不見其景以此為候史記推合朔在夜明旦日食

而出出而解孟康曰夜食地中出而止是為夜食劉向以為夜食者陰因日明之衰而奪其光象

周天子不明齊桓將奪其威專會諸侯而行伯道其後遂九合諸侯師古曰解在郊祀志天子

乾隆四年校刊

使世子會之

師古曰僖五年齊侯宋公陳侯衛侯鄭伯許男曹伯會王太子于首止是也

此其效也公羊傳曰食晦董仲

舒以爲宿在東壁魯象也後公子慶父叔牙果通於夫人以弑公劉歆以爲晦魯衛

分二十五年六月辛未朔日有食之董仲舒以爲宿在畢主邊兵夷狄象也後狄滅

邢衛

師古曰春秋閔元年狄伐邢二年狄滅衛其後並爲齊所立而邢遷于夷儀衛遷于楚丘

劉歆以爲五月二日魯趙分二十

六年十二月癸亥朔日有食之董仲舒以爲宿在心心爲明堂文武之道廢中國不

絕若綫之象也

師古曰綫纆也音先箭反

劉向以爲時戎侵曹

師古曰事在莊二十四年

魯夫人淫於慶父叔

牙將以弑君故比年再蝕以見戒劉歆以爲十月二日楚鄭分三十年九月庚午朔

日有食之董仲舒劉向以爲後魯二君弑

師古曰謂子般爲圉人所殺閔公爲卜齮所殺也

夫人誅

師古曰哀姜爲

齊人所殺

兩弟死

師古曰謂叔牙及慶父也

狄滅邢

師古曰己解于上

徐取舒

師古曰僖三年徐人取舒舒國名也在廬江舒縣也

晉殺

世子

師古曰僖五年晉侯殺其太子申生

楚滅弦

師古曰僖五年楚人滅弦弦國名也在弋陽

劉歆以爲八月秦周分僖公

五年九月戊申朔日有食之董仲舒劉向以爲先是齊桓行伯江黃自至

師古曰江黃二國名

也僖二年齊侯宋公江人黃人盟于貫傳曰服江黃也江國在汝南安陽縣黃國在弋陽縣

南服疆楚

師古曰僖四年齊侯以諸侯之師侵蔡遂伐楚盟于

召其後不內自正而外執陳大夫則陳楚不附

師古曰召陵盟後以陳轅濤塗爲誤軍而執之陳不服罪故伐之楚自是

不復通

鄭伯逃盟

師古曰僖五年秋齊侯與諸侯盟于首止鄭伯逃歸不盟

諸侯將不從桓政故天見戒其後晉滅

號

師古曰事在僖五年

楚圍許諸侯伐鄭

師古曰事在僖六年

晉弑二君

師古曰謂里克弑奚齊及卓子

狄滅溫

師古曰溫

周邑也僖十年狄滅之師古曰僖十一年黃楚伐黃不歸楚貢故伐之桓不能救劉歆以爲七月秦晉分十二年

三月庚午朔日有食之董仲舒劉向以爲是時楚滅黃師古曰事在狄侵衛鄭師古曰僖

十三年狄侵衛師古曰僖十四年諸侯城緣陵公羊傳莒滅杞師古曰僖十四年諸侯城緣陵公羊傳日曷爲城杞滅也孰滅之蓋徐莒也劉歆以爲三月齊衛

分十五年五月日有食之劉向以爲象晉文公將行伯道後遂伐衛執曹伯敗楚城

濮師古曰事並再會諸侯師古曰二十八年五月召天王而朝之師古曰晉侯不欲

來經書天王此其效也日食者臣之惡也夜食者掩其罪也以爲上亡明王桓文能

行伯道攘夷狄安中國雖不正猶可蓋春秋實與而文不與之義也董仲舒以爲後

秦獲晉侯師古曰晉侯夷吾也僖十五年十一月齊滅項師古曰事在公羊傳僖十

楚敗徐于婁林師古曰事在僖十五年冬婁林徐地劉歆以爲二月朔齊越分文公元年二月癸亥日

有食之董仲舒劉向以爲先是大夫始執國政師古曰謂東公子遂如京師師古曰

三十年報宰後楚世子商臣殺父齊公子商人弑君皆自立師古曰已宋子哀出奔

周公之聘師古曰宋子哀宋卿高哀也不義晉滅江師古曰春秋文四年楚人楚滅六師古曰

宋公而來奔魯事在文十四年滅江今此云晉未詳其說六國名師古曰

也在廬江六縣文大夫公孫敖叔彭生並專會盟師古曰文七年冬公孫敖如莒蒞

五年楚人滅之公孫敖孟穆伯叔劉歆以爲正月朔燕越分十五年六月辛丑朔日有食之董仲舒

劉向以爲後宋齊莒晉鄭八年之間五君殺死師古曰文十六年宋弑其君杵臼十

君庶其宣二年晉趙盾弑其君夷楚滅舒蓼劉歆以為四月二日魯衛分宣公八年

七月甲子日有食之既董仲舒劉向以為先是楚商臣弑父而立至于嚴王遂彊諸

夏大國唯有齊晉齊晉新有篡弑之禍內皆未安故楚乘弱橫行八年之間六侵伐

而一滅國師古曰六侵伐者謂宣元年侵陳三年侵鄭四年伐鄭五年伐鄭六年伐鄭八年伐陳也一滅國者謂八年滅舒蓼也伐陸渾戎觀

兵周室師古曰宣三年楚子伐陸渾之戎遂至于洛觀兵于周疆觀兵者示威武也後又入鄭鄭伯肉袒謝罪北敗晉師

于邲流血色水師古曰事並在十二年邲鄭地色水謂血流入水而變水之色也邲音蒲必反圍宋九月析骸而炊之師古曰事

在十五年炊爨也言無薪樵示困之甚也劉歆以為十月二日楚鄭分十年四月丙辰日有食之董仲舒

劉向以為後陳夏徵舒弑其君師古曰弑靈公也事在十年楚滅蕭師古曰蕭宋附庸國也事在十二年晉滅二國

師古曰謂十五年滅赤狄潞氏十六年滅赤狄甲氏王札子殺召伯毛伯師古曰事在十五年劉歆以為二月魯衛分十

七年六月癸卯日有食之董仲舒劉向以為後邾支解鄆子師古曰十八年邾人戕鄆子于鄆支解而節斷

之謂解其四支斷其骨節晉敗王師于貿戎師古曰事在成元年敗齊于鞏師古曰事在成二年劉歆以為三月晦眊

魯衛分服虔曰眊相覲也日晦食為眊臣瓚曰志云晦而月見西成公十六年六月

丙寅朔日有食之董仲舒劉向以為後晉敗楚鄭于鄆陵師古曰事在十六年鄆陵鄭地執魯侯師古曰

日己解千上劉歆以為四月二日魯衛分十七年十二月丁巳朔日有食之董仲舒劉向

以為後楚滅舒庸師古曰事在十七年日食之後晉弑其君師古曰謂厲公也事在十八年宋魚石

以為後楚滅舒庸師古曰事在十七年日食之後晉弑其君師古曰謂厲公也事在十八年宋魚石

因楚奪君邑

師古曰魚石宋大夫也十五年出奔楚至十八年楚伐宋取彭城而納之

莒滅鄆齊滅萊

師古曰事並在襄六年鄆萊皆小國

鄭伯弑死

師古曰鄭僖公也襄七年會于鄆其大夫子駟使賊夜殺之而以瘡疾赴鄆音爲

劉歆以爲九月周楚分襄公十

四年二月乙未朔日有食之董仲舒劉向以爲後衛大夫孫甯共逐獻公立孫剽

孟康

日剽音驃師古曰孫林父甯殖逐獻公襄十四年四月出奔齊而立剽剽穆公之孫也剽又音匹妙反

劉歆以爲前年十二月二日宋

燕分十五年八月丁巳日有食之董仲舒劉向以爲先是晉爲雞澤之會諸侯盟又

大夫盟後爲溴梁之會諸侯在而大夫獨相與盟

師古曰並已解于上

君若綴旒不得舉手

日旒旌旗之旒隨風動搖也師古曰言爲下所執隨人東西也

劉歆以爲五月二日魯趙分二十年十月丙辰朔日

有食之董仲舒以爲陳慶虎慶寅蔽君之明

師古曰二慶並陳大夫也襄二十年陳侯之弟黃出奔楚將出呼於國曰慶氏

無道求專陳國暴蔑其君而去其親五年不滅是無天也

邾庶其有叛心

師古曰庶其邾大夫

後庶其以漆間丘來奔

在二十一年漆及閭丘邾之二邑

陳殺二慶

師古曰二十三年陳侯如楚公子黃訴二慶楚人召劉之慶氏以陳叛楚屈建從陳侯圍陳遂殺二慶也

歆以爲八月秦周分二十一年九月庚戌朔日有食之董仲舒以爲晉欒盈將犯君

後入于曲沃

師古曰己解于上

劉歆以爲七月秦晉分十月庚辰朔日有食之董仲舒以爲

宿在軫角楚大國象也後楚屈氏譖殺公子追舒

師古曰公子追舒楚令尹子南也二十二年楚殺之

齊慶封

脅君亂國

師古曰慶封齊大夫也二十七年使盧蒲葵帥甲攻崔氏殺成及彊盡俘其家崔杼縊而死自是慶封當國專執政也

劉歆以爲八

月秦周分二十三年二月癸酉朔日有食之董仲舒以爲後衛侯入陳儀

師古曰衛侯伋也前

為孫寧所逐二十五年入于
陳儀陳儀衛邑左傳云夷儀
寧喜弑其君剽師古曰二十六年寧喜殺剽而衍入於衛寧喜殖子也劉歆以為

前年十二月二日宋燕分二十四年七月甲子朔日有食之既劉歆以為五月魯趙

分八月癸巳朔日有食之董仲舒以為比食又既師古曰比類也象陽將絕孟康曰夷狄主

中國之象也後六君弑師古曰謂二十五年齊崔杼殺其君光二十六年衛寧喜弑其君剽二十九年閻殺吳子餘祭三十年蔡太子班弑其君

周三十一年莒人弑其君密州昭元
年楚令尹子圍入問王疾縊而殺之
楚子果從諸侯伐鄭師古曰二十四年冬楚滅

舒鳩師古曰二十五五年楚屈建師師魯往朝之卒主中國師古曰謂楚靈王以昭四

年與諸侯伐吳討慶封師古曰慶封以二十八年為慶舍之難自齊出奔會于申魯遂奔吳至申之會楚靈王伐吳執慶封而殺之劉歆以為

六月晉趙分二十七年十二月乙亥朔日有食之董仲舒以為禮義將大滅絕之象

也時吳子好勇使刑人守門師古曰吳子即餘祭也刑人闔者蔡侯通於世子之妻師古曰即蔡侯固為太子所殺

也莒不早立嗣師古曰即密州也生去疾及展與既立展與又廢之後闔戕吳子師古曰戕傷也他國臣來弑君曰戕蔡世子般

弑其父莒人亦弑君而庶子爭師古曰展與因國人攻其父而殺之展與即位去疾奔齊明年去疾入而展與出奔吳並非嫡嗣故云庶

子劉向以為自二十年至此歲八年間日食七作禍亂將重起師古曰重音直用反故天仍見

戒也師古曰仍頻也後齊崔杼弑君宋殺世子師古曰宋平公太子北燕伯出奔孟康曰有南燕故言

北燕南燕姑姓北燕姬姓也師
古曰昭三年北燕伯欵出奔齊鄭大夫自外入而篡位師古曰謂伯有也指略如董仲舒劉

歆以為九月周楚分昭公七年四月甲辰朔日有食之董仲舒劉向以為先是楚靈

王弼君而立會諸侯

師古曰已解于上

執徐子滅賴

師古曰申之會楚人執徐子遂滅賴

後陳公子招殺世子

師古曰招成公子哀公弟也

昭八年經書陳侯之子也招音韶

楚因而滅之

師古曰偃師之死哀公縊其九月楚公子

棄疾奉偃師之子

又滅蔡

師古曰十一年楚師滅蔡也執太子有以歸用之

後靈王亦弑死

師古曰十三年楚公子比弑其

君虔于乾

劉歆以爲二月魯衛分傳曰晉侯問於士文伯曰誰將當日食

師古曰士文伯晉大

夫伯瑕

對曰魯衛惡之衛大魯小公曰何故對曰去衛地如魯地於是有災其衛君乎

魯將上卿是歲八月衛襄公卒十一月魯季孫宿卒晉侯謂士文伯曰吾所問日食

從矣可常乎

師古曰從謂如士文伯之言也可常謂常可以此占之不

對曰不可六物不同民心不壹事序不類

官職不則同始異終胡可常也詩曰或宴宴居息或盡賴事國

如淳曰賴古悻字也師古曰小雅北山之

詩也宴宴安息之貌也盡悻言盡力而悻病也

其異終也如是公曰何謂六物對曰歲時日月星辰是謂公

曰何謂辰對曰日月之會是謂公曰詩所謂此日而食于何不滅何也

師古曰小雅十月之交之

詩也滅善也

對曰不善政之謂也國無政不用善則自取適于日月之災

師古曰適讀曰適

不可不慎也務三而已一曰擇人二曰因民三曰從時此推日食之占循變復之要

也易曰縣象著明莫大於日月

師古曰上繫之辭也

是故聖人重之載于三經

師古曰謂易詩春秋

在豐之震曰豐其沛日中見昧折其右肱亡咎

服虔曰日中而昏也師古曰此豐卦九三爻辭也言遇此災則當退去右

肱之臣乃免咎

於詩十月之交則著卿士司徒下至趣馬師氏咸非其材

師古曰十月之交詩曰皇父卿士番

維司徒轍維趣馬揭維師氏豔妻嬭方處司徒地官卿也掌邦教趣馬中士也掌王馬之政師氏中大夫也掌司朝得失之事番轍揭皆氏也美色曰豔豔妻褒姒也豔或作間間亦嬭妾之姓也嬭職也詩人刺王淫於色故皇父之徒皆用后寵而處職位不以德選也趣音千后反轍音居衛反揭音居禹反番音扶元反同於右

肱之所折協於三務之所擇明小人乘君子陰侵陽之原也十五年六月丁巳朔日

有食之劉歆以為三月魯衛分十七年六月甲戌朔日有食之董仲舒以為時宿在

畢晉國象也晉厲公誅四大夫失衆心以弑死師古曰四大夫謂三郤及胥童也胥童非厲公所誅以導亂而死故總書

四大夫焉公竟為樂書中行偃所殺後莫敢復責大夫六卿遂相與比周專晉國君還事之師古曰六卿謂范氏

中行氏智氏韓魏趙也日比再食其事在春秋後故不載於經劉歆以為魯趙分左氏傳平子

曰師古曰季平子唯正月朔慝未作日有食之於是乎天子不舉伐鼓於社諸侯用幣於社

伐鼓於朝禮也其餘則否太史曰在此月也日過分而未至三辰有災百官降物君

不舉避移時樂奏鼓祝用幣史用辭嗇夫馳庶人走此月朔之謂也當夏四月是謂

孟夏說曰正月謂周六月夏四月正陽純乾之月也慝謂陰爻也冬至陽爻起初故

曰復至建巳之月為純乾亡陰爻而陰侵陽為災重故伐鼓用幣責陰之禮降物素

服也不舉去樂也避移時避正堂須時移災復也嗇夫掌幣吏庶人其徒役也劉歆

以為六月二日魯趙分二十一年七月壬午朔日有食之董仲舒以為周景王老劉

子單子專權師古曰已蔡侯朱驕君臣不說之象也師古曰蔡侯朱蔡平公之子說讀曰悅後蔡侯朱

子單子專權師古曰已蔡侯朱驕君臣不說之象也師古曰蔡侯朱蔡平公之子說讀曰悅後蔡侯朱

果出奔

師古曰昭二十一年出奔楚

劉子單子立王猛劉歆以爲五月二日魯趙分二十二年十

二月癸酉朔日有食之董仲舒以爲宿在心天子之象也後尹氏立王子朝天王居

于狄泉

師古曰天王敬王也避子朝之難故居狄泉

劉歆以爲十月楚鄭分二十四年五月乙未朔日有

食之董仲舒以爲宿在胃魯象也後昭公爲季氏所逐劉向以爲自十五年至此歲

十年間天戒七見人君猶不寤後楚殺戎蠻子

師古曰昭十六年楚子誘戎蠻子殺之戎蠻國在河南新城縣

晉滅

陸渾戎

師古曰十七年晉荀吳帥師滅陸渾之戎其地今陸渾縣是也

盜殺衛侯兄

師古曰衛靈公兄也名縶二十年爲齊豹所殺以豹不義故貶

稱盜所謂求名而不得也

蔡莒之君出奔

師古曰蔡君卽朱也莒君莒子庚輿也二十三年出奔魯

吳滅巢

師古曰二十四年吳滅巢巢吳楚間

小國卽居巢城是也

公子光殺王僚

師古曰事在二十七年

宋三臣以邑叛其君

師古曰二十一年宋華亥向寧華定入于宋南

里以叛是也

它如仲舒劉歆以爲二日魯趙分是月斗建辰左氏傳梓慎曰將大水

師古曰梓

慎魯大夫

昭子曰旱也

師古曰叔孫昭子

日過分而陽猶不克克必甚能無旱乎

孟康曰謂春分後陰多陽少爲

不克陽勝則盛故言甚

陽不克莫將積聚也

蘇林曰莫莫爾不勝爲積聚也

是歲秋大雩旱也二至二分日有

食之不爲災日月之行也春秋分日夜等故同道冬夏至長短極故相過相過同道

而食輕不爲大災水旱而已三十一年十二月辛亥朔日有食之董仲舒以爲宿在

心天子象也時京師微弱後諸侯果相率而城周

師古曰定元年晉魏舒合諸侯之大夫于狄泉以城周是也

宋

中幾亡尊天子之心而不衰城

師古曰中幾宋大夫衰城謂以差次受功賦也衰音初爲反一日衰讀曰蓑蓑城謂以草覆城也蓑音先

和反中劉向以爲時吳滅徐師古曰事在昭三十年而蔡滅沈師古曰定四年蔡公孫姓帥師滅沈楚圍蔡吳敗

楚入郢昭王走出師古曰事在定四年劉歆以爲二日宋燕分定公五年三月辛亥朔日有

食之董仲舒劉向以爲後鄭滅許師古曰六年鄭游速帥師滅許以許男斯歸魯陽虎作亂竊寶玉大弓

季桓子退仲尼宋三臣以邑叛師古曰已解于上劉歆以爲正月二日燕趙分十二年十一

月丙寅朔日有食之董仲舒劉向以爲後晉三大夫以邑叛薛弒其君師古曰十三年晉趙鞅入

于晉陽以叛薛寅士吉射入朝歌以叛薛弒其君比楚滅頓胡師古曰十四年楚公子結帥師滅頓以頓子牂歸十五年楚人滅胡以胡子豹歸越敗

吳師古曰十四年五月於越衛逐世子師古曰十四年衛太子蒯聵出奔宋劉歆以爲十二月二日楚

鄭分十五年八月庚辰朔日有食之董仲舒以爲宿在柳周室大壞夷狄主諸夏之

象也明年中國諸侯果累累從楚而圍蔡師古曰哀元年楚子陳侯隨侯許男圍蔡是也累累讀曰纍纍不絕之貌蔡恐

遷于州來師古曰哀二年十一月蔡遷于州來州來楚邑今下蔡縣是也晉人執戎蠻子歸于楚師古曰哀公四年晉人執戎蠻子赤

歸於京師楚也師古曰言以楚爲京師劉向以爲盜殺蔡侯師古曰哀四年蔡公孫翩殺蔡侯申翩非大夫故賤之而書盜齊

陳乞弒其君而立陽生師古曰哀六年齊陳乞弒其君荼茶卽景公之子也陽生荼之兄卽悼公也孔子終不用劉歆以

爲六月晉趙分哀公十四年五月庚申朔日有食之在獲麟後劉歆以爲三月二日

齊衛分凡春秋十二公二百四十二年日食三十六穀梁以爲朔二十六晦七夜二

二日一公羊以爲朔二十七二日七晦二左氏以爲朔十六二日十八晦一不書日

者二高帝三年十月甲戌晦日有食之在斗二十度燕地也後二年燕王臧荼反誅立盧綰爲燕王後又反敗十一月癸卯晦日有食之在虛三度齊地也後二年齊王韓信徙爲楚王明年廢爲列侯後又反誅九年六月乙未晦日有食之旣在張十三度惠帝七年正月辛丑朔日有食之在危十三度谷永以爲歲首正月朔日是爲三朝尊者惡之五月丁卯先晦一日日有食之幾盡師古曰幾音鉅依反後皆類此在七星初劉向以爲五月微陰始起而犯至陽其占重至其八月宮車晏駕有呂氏詐置嗣君之害京房易傳曰凡日食不以晦朔者名曰薄人君誅將不以理或賊臣將暴起日月雖不同宿陰氣盛薄日光也高后二年六月丙戌晦日有食之七年正月己丑晦日有食之旣在營室九度爲宮室中時高后惡之曰此爲我也明年應師古曰謂高后崩也文帝二年

十一月癸卯晦日有食之在婺女一度三年十月丁酉晦日有食之在斗二十三度

十一月丁卯晦日有食之在虛八度後四年四月丙辰晦日有食之在東井十三度

七年正月辛未朔日有食之景帝三年二月壬午晦日有食之在胃二度七年十一

月庚寅晦日有食之在虛九度中元年十二月甲寅晦日有食之中二年九月甲戌

晦日有食之三年九月戊戌晦日有食之幾盡在尾九度六年七月辛亥晦日有食

之在軫七度後元年七月乙巳先晦一日日有食之在翼十七度武帝建元二年二

月丙戌朔日有食之在奎十四度劉向以爲奎爲卑賤婦人後有衛皇后自至微興卒有不終之害師古曰皇后自殺不終其位也三年九月丙子晦日有食之在尾二度五年正月己

巳朔日有食之元光元年二月丙辰晦日有食之七月癸未先晦一日日有食之在

翼八度劉向以爲前年高園便殿災與春秋御廩災後日食於翼軫同其占內有女

變外爲諸侯其後陳皇后廢江都淮南衡山王謀反誅日中時食從東北過半晡時

復元朔二年二月乙巳晦日有食之在胃三度六年十一月癸丑晦日有食之元狩

元年五月乙巳晦日有食之在柳六度京房易傳推以爲是時日食從旁右法曰君

失臣明年丞相公孫弘薨日食從旁左者亦君失臣從上者臣失君從下者君失民

元鼎五年四月丁丑晦日有食之在東井二十三度元封四年六月己酉朔日有食

之太始元年正月乙巳晦日有食之四年十月甲寅晦日有食之在斗十九度征和

四年八月辛酉晦日有食之不盡如鉤在亢二度晡時食從西北日下晡時復昭帝

始元三年十一月壬辰朔日有食之在斗九度燕地也後四年燕刺王謀反誅元鳳

元年七月己亥晦日有食之幾盡在張十二度劉向以爲己亥而旣其占重孟康曰己土亥

水也純陰故食爲最重也日食盡爲旣後六年宮車晏駕卒以亡嗣宣帝地節元年十二月癸亥晦日

有食之在營室十五度五鳳元年十二月乙酉朔日有食之在婺女十度四年四月

辛丑朔日有食之在畢十九度是爲正月朔慝未作左氏以爲重異元帝永光二年

三月壬戌朔日有食之在婁八度四年六月戊寅晦日有食之在張七度建昭五年

六月壬申晦日有食之不盡如鉤因入成帝建始三年十二月戊申朔日有食之其

夜未央殿中地震谷永對曰日食發女九度占在皇后地震蕭牆之內咎在貴妾師古

日蕭牆謂門屏也蕭蕭也人臣至此加肅敬也二者俱發明同事異人共掩制陽將害繼嗣也亶日食則妾

不見師古曰亶讀曰但下例竝同亶地震則後不見異日而發則似姝事亡故動變則恐不知是

月後妾當有失節之郵師古曰郵與尤同尤過也故天因此兩見其變若曰違失婦道隔遠衆妾

師古曰遠音于萬反妨絕繼嗣者此二人也杜欽對亦曰日以戊申食時加未戌未土也中宮

之部其夜殿中地震此必適妾將有爭寵相害而爲患者師古曰適讀曰嫡人事失於下變

象見於上能應之以德則咎異消忽而不戒則禍敗至應之非誠不立非信不行河

平元年四月己亥晦日有食之不盡如鉤在東井六度劉向對曰四月交於五月月

同孝惠日同孝昭東井京師地且旣其占恐害繼嗣日蚤食時從西南起三年八月

乙卯晦日有食之在房四年三月癸丑朔日有食之在昴陽朔元年二月丁未晦日

有食之在胃永始元年九月丁巳晦日有食之谷永以京房易占對曰元年九月日

食酒亡節之所致也獨使京師知之四國不見者若曰湛湎于酒君臣不別禍在內

也師古曰湛讀曰沈又讀曰耽永始二年二月乙酉晦日有食之谷永以京房易占對曰今年二

月日食賦歛不得度民愁怨之所致也所以使四方皆見京師陰蔽者若曰人君好

治宮室大營墳墓賦歛茲重而百姓屈竭師古曰茲益也屈盡也音其勿反禍在外也三年正月己

卯晦日有食之四年七月辛未晦日有食之元延元年正月己亥朔日有食之哀帝

元壽元年正月辛丑朔日有食之不盡如鉤在營室十度與惠帝七年同月日二年

三月壬辰晦日有食之平帝元始元年五月丁巳朔日有食之在東井二年九月戊

申晦日有食之既凡漢著紀十二世二百一十二年日食五十三朔十四晦三十六

先晦一日三成帝建始元年八月戊午晨漏未盡三刻有兩月重見京房易傳曰婦

貞厲月幾望君子征凶師古曰小畜上九爻辭也幾音鉅依反言君弱而婦彊爲陰所乘則月竝出晦

而月見西方謂之朏朔而月見東方謂之仄慝孟康曰朏者月行疾在日前故早見仄慝者行遲在日後當沒而更見師

古曰朏音吐了反仄慝則侯王其肅朏則侯王其舒劉向以爲朏者疾也君舒緩則臣驕慢

故日行遲而月行疾也仄慝者不進之意君肅急則臣恐懼放日行疾而月行遲不

敢迫近君也不舒不急以正失之者食朔日劉歆以爲舒者侯王展意顓事臣下促

急故月行疾也肅者王侯縮朒不任事服虔曰朒音怵怵之怵鄭氏曰不任事之貌也師古曰朒音女六反臣下弛縱

故月行遲也當春秋時侯王率多縮朒不任事故食二日仄慝者十八食晦日朏者